

**CONVENIO DE COLABORACIÓN ENTRE FYCOS AUDITORÍA-CONSULTORÍA  
E O COLEXIO OFICIAL DE PROTÉSICOS DENTAIS DE GALICIA  
(CONSELLO GALEGO DE COLEXIOS)**

En Santiago de Compostela, 11 de novembro de 2020

**REUNIDOS**

Dunha parte, **D. JUAN MANUEL FORJÁN GÓMEZ**, con DNI N° 78.788.098-B en nome e representación de **FYCOS AUDITORÍA - CONSULTORIA** (en adiante **FYCOS**), na súa condición de titular, con domicilio na rúa da Rapada nº 6, 15.706, Santiago de Compostela (A Coruña).

E de outra, **D. AVELINO J. SANMARTÍN CAAMAÑO**, con DNI nº 33.266.067-V, en nome e representación do **COLEXIO OFICIAL DE PROTÉSICOS DENTAIS DE GALICIA** (en adiante COLEXIO), na súa condición de Presidente, con domicilio na rúa Hórreo nº 7, 1º Dereita, 15.702, de Santiago de Compostela (A Coruña) e CIF Q-2701000-H.

Recoñecéndose reciprocamente a capacidade legal necesaria para o outorgamento do presente documento, en uso das competencias que ámbalas dúas partes teñen outorgadas,

**EXPOÑEN**

**PRIMEIRO.-** Que FYCOS exerce a súa actividade prestando asesoramento e consultoría integral a empresas, especialmente no que se refire á xestión administrativa ambiental derivada da produción de residuos sanitarios, consistente na elaboración da documentación legal obrigatoria (plans de xestión de residuos sanitarios, mantemento continuo do Libro – Rexistro de residuos, estudos de minimización de residuos...).

**SEGUNDO.-** Que o COLEXIO é unha Corporación de Dereito Público, con personalidade xurídica e plena capacidade de obrar para o cumprimento dos seus fins, con ámbito de actuación na Comunidade de Galicia e creado pola Lei 4/1998, de 30 de xuño, de creación do Colexio Oficial de Protésicos Dentais de Galicia. Os fins do COLEXIO son os recollidos na Lexislación de Colexios Profesionais, sendo os principais:

1. Velar pola satisfacción dos intereses xerais relacionados co exercicio da profesión de Protésico Dental.

2. Lograr a constante mellora do nivel de calidade das prestacións profesionais de los colexiados, promovendo a súa formación e perfeccionamento.
3. Exercer no seu ámbito a representación e defensa da profesión, así como a representación legal do colectivo de profesionais colexiados.

Así mesmo, o artigo 5 da Lei 2/1974, de 13 de febreiro, sobre colexios profesionais, outórgalle, entre outras as seguintes funcións:

1. Organizar actividades e servizos comúns de interese para os colexiados, de carácter profesional, formativo, cultural, asistencial e previsión, e outros análogos.
2. Cantas outras funcións redunden en beneficio dos intereses profesionais dos colexiados.

**TERCEIRO.-** Que ámbalas dúas entidades se encontran interesadas en establecer un marco de colaboración, polo que acordan subscribir o presente Convenio de Colaboración, que se rexerá polas seguintes,

### CLÁUSULAS

**PRIMEIRA.-** O obxecto deste Convenio é facilitar o acceso do colectivo de protésicos dentais, á oferta de FYCOS dirixida aos colexiados do COLEXIO.

A tal efecto, FYCOS comprométese a ofertar a todos os colexiados do COLEXIO unha proposta sobre as xestións administrativas ambientais derivadas da produción de residuos perigosos nos laboratorios, sendo a proposta dun 10% de desconto sobre o custe xeral dos traballos a realizar.

A descrición dos traballos a realizar, consistirá na elaboración da documentación legal obrigatoria que inclúe:

- Comunicación de Actividade, comunicación de produción de Residuos Perigosos en cantidade inferior a 10 T/ano perante a Administración competente. (Non incluídas as taxas).
- Implantación e revisión das obrigas no almacenamento de Residuos.
- Elaboración do libro rexistro de residuos. Incluída alta en aplicación GAIA (en caso necesario).
- Supervisión das obrigacións derivadas da figura de pequeno produtor de residuos e xestión e control da documentación xerada na entrega de residuos a xestor autorizado.
- Asistencia en inspeccións abertas pola administración competente ata a finalización da vía administrativa.
- Xestións e consultas a realizar perante a administración competente.

- Dúas visitas (coincidindo coa toma de datos e recompilación de información e a entrega de documentación).
- Entrega de cartafol personalizado para o arquivo da documentación xerada.

Os colexiados do COLEXIO, deberán acreditar esta circunstancia, mediante a presentación do carné de colexiado ou certificado de colexiación para beneficiarse destas condicións.

**SEGUNDA.-** O COLEXIO dará a coñecer entre os seus colexiados o contido do presente Convenio, así mesmo incluírá na súa páxina web o contido do convenio e unha ligazón de acceso directo á páxina web de FYCOS.

**TERCEIRA.-** As partes estipulan que o acordo se manterá vixente ata dende a data da súa sinatura ata o 31 de decembro de 2021. O convenio considerarase renovado por períodos anuais, sempre que ningunha das partes notifique á outra, fehacientemente por escrito, a súa resolución ou finalización polo menos **trinta días antes** da conclusión de cada período.

**CUARTA.-** Todas as accións de promoción e difusión deste convenio que impliquen a utilización de calquera marca comercial do conxunto que integra FYCOS e o COLEXIO, entendéndose por marca, a marca propiamente dita, o logotipo, nome comercial, ou calquera denominación, signo ou título inscribible nun rexistro público a efectos de protexer a súa propiedade, dereito de uso ou comercialización, deberá contar coa autorización das entidades.

**QUINTA.-** Ámbalas dúas partes, durante a execución deste convenio, comprométese a dar estrito cumprimento ao disposto na Lei Orgánica 3/2018, de 5 de decembro, de protección de datos persoais e garantía dos dereitos dixitais e á súa normativa de desenvolvemento. No caso de vulneración da citada normativa, a parte responsable deberá asumir a totalidade das consecuencias de índole administrativo ou civil que puideran derivarse de tal incumprimento.

**SEXTA.-** O incumprimento das obrigas que asumen as partes asinantes deste convenio dará lugar á súa resolución, previa denuncia deste pola parte interesada.

**SÉPTIMA.-** A modificación deste Convenio soamente se poderá establecer de mutuo acordo entre as partes.

**OITAVA.-** Para calquera dúbida, diverxencia ou interpretación e cumprimento deste documento, ámbalas dúas partes se someten á xurisdición e competencia dos Xulgados de Santiago de Compostela.



E para que así conste e aos efectos oportunos, ambas partes subscriben o presente Convenio por duplicado, no lugar e data indicados no encabezamento.

Por **FYCOS**

Polo **COLEXIO OFICIAL DE  
PROTÉSICOS DENTAIS DE GALICIA**

Asdo.: Juan Manuel Forjan Gómez

Asdo.: Avelino J. Sanmartín Caamaño